



সংবাদ বিজ্ঞপ্তি

সুনামগঞ্জে ইউএসএআইডি'র মামনি প্রকল্প পরিদর্শন করলেন যুক্তরাষ্ট্রের রাষ্ট্রদূত ড্যান মজীনা

হবিগঞ্জ, ২৪শে জানুয়ারি -- রাষ্ট্রদূত ড্যান মজীনা তার সিলেট বিভাগ পরিদর্শনকালে ইউএসএআইডি'র মামনি প্রকল্প পরিদর্শন করেন। এই সমন্বিত নিরাপদ মাত্তু, নবজাতকের যত্ন এবং পরিবার পরিকল্পনা প্রকল্পটি জেপেগো কর্পোরেশন এবং সেভ দ্য চিলড্রেন, ইউএসএ বাস্তবায়ন করছে। এই প্রকল্প সফরকালে রাষ্ট্রদূত মজীনা এবং তার প্রতিনিধিদল স্থানীয় ধাত্রী এবং সেবার সুবিধাভোগীদের সাথে সাক্ষাৎ করেন। রাষ্ট্রদূত একটি ইউনিয়ন স্বাস্থ্য ও পরিবার পরিকল্পনা কেন্দ্র পরিদর্শন করেন। যাতে করে ২৪ ঘন্টা মা ও নবজাতকদের স্বাস্থ্য সেবা নিশ্চিত করতে পারে সে জন্য মামনি প্রকল্পের সহায়তায় এই কেন্দ্রটির উন্নয়ন করা হয়েছে। দক্ষ ধাত্রীদের কাজ ও শিশুদের জুরের দ্রুত চিকিৎসাসহ স্থানীয় স্বেচ্ছাসেবীগণ এবং স্বাস্থ্য কর্মীরা এক সাথে কাজ করে স্থানীয় জনগণের মধ্যে স্বাস্থ্য সচেতনতা গড়ে তুলতে পারে এবং মা ও নবজাতকের কিভাবে স্বাস্থ্য সেবা দেয় হয় প্রতিনিধিদল তা প্রত্যক্ষ করেন। প্রতিনিধি দল স্থানীয় সরকারি চেয়ারম্যানদের সাথেও দেখা করেন এবং স্থানীয় স্বাস্থ্য সেবা কর্মসূচীর সহায়তায় স্থানীয় নেতৃত্ব কিভাবে গুরুত্বপূর্ণ ভূমিকা পালন করছে সে সম্পর্কে অবহিত হন।

মা ও শিশুদের মাঝে সুস্থাস্থ্য এবং রোগ প্রতিরোধক এবং চিকিৎসা সেবার জন্য সহজপ্রাপ্য স্বাস্থ্য সুবিধাসমূহের প্রসারে মামনি প্রকল্পটি বিগত ২০০৯ সাল থেকে ১৩,০০০ স্বেচ্ছাসেবী এবং ৫,০০০ কমিউনিটি এ্যাকশন গ্রুপকে সম্পৃক্ত ও একত্রিত করেছে।

১৯৭১ সাল থেকে বাংলাদেশের উন্নয়ন সহায়তায় যুক্তরাষ্ট্র সরকার 'ইউএসএআইডি'র মাধ্যমে ৬শ' কোটি ডলারেরও বেশী প্রদান করেছে। কেবল ২০১২ সালেই 'ইউএসএআইডি' বাংলাদেশের জনগণের জীবনমান উন্নয়নে ২০ কোটি ডলারের বেশী প্রদান করেছে। 'ইউএসএআইডি' বাংলাদেশে যেসকল কর্মসূচীতে সহায়তা প্রদান করে সেগুলো হচ্ছে -- গণতান্ত্রিক প্রতিষ্ঠানসমূহের প্রসার ও গণতন্ত্রের অনুশীলন, খাদ্য নিরাপত্তা কর্মসূচী ও অর্থনৈতিক সুযোগ-সুবিধার সম্প্রসারণ, স্বাস্থ্য ও শিক্ষা সেবার উন্নয়ন, এবং অভিযোগন ও স্বল্প কার্বন উন্নয়নের মাধ্যমে জলবায়ু পরিবর্তন পরিস্থিতির সাথে খাপ খাওয়ানো।

=====